

# Lauzatz si? Emanuel

BEdT 323,021

Mss.: C 181, R 5 = Peire d'Alvernhe.

Metrica: a7 a7 b7 c7 c7 c7 b7 (Frank 199:1). *Geistliches Lied* di 9 *coblas capcaudadas* di 7 versi e una *tornada* di 4 versi.

Edizione: Fratta 1996, p. 139.

- letto 1000 volte

## Edizioni

- letto 732 volte

## Fratta

I.

Lauzatz si? Emanuel,  
lo reys de terr? e de cel,  
qu?es trinus et unitatz,  
e filhs e sanctz esperitz  
e quasqus payre complitz,  
si q?us noms es et us guitz  
et Dieus et homs appellatz,

II.

En divers digz assemblatz  
totz, et una trinitatz,  
senes sustantia partir;  
qu?ayssi tenc l?un per maior,  
quom l?autre non dic menor,  
mas un sol Dieu ieu azor  
e·l prec que·m denh? eyssauzir,

III.

seluy qu?el mon volc venir

per nostres peccatz delir  
e per que·ls quatr?elemen  
agron dessemblatz semblans;  
qu?alre no·y era estans  
mas Dieus qu?es pueys e denans,  
qu?anc non ac comensamen,

IV.

ni ia fin en negun sen  
non aura, qu?el resplanden  
de prim destinet, anceys  
qu?el fetz sobrescur la lutz,  
quar tan ferma·s sa vertutz  
qu?esser non pot descrezutz  
ni ren pus aver decreys

V.

en luy que det si meteys,  
per que·l premiers mals s?esteys  
qu?era mout grans desconortz,  
quar selh qu?anc no fes peccat  
venc sufrir humanitat  
e mort desotz Pons Pilat  
e sobre sos vestirs sortz.

VI.

Mas iamays non l?er faitz tortz  
ni·l senhorejara mortz,  
luy qu?al ters iorn sors del vas,  
aissi cum era promes,  
per que·l fels d?ifern mespres,  
quant als dissipols crec fes  
e parec a sant Tomas.

VII.

Pueys non say estet tan bas  
que de la val Iozaphas  
d?un pueg desobr?un peiro  
no montes en cel e pus;  
pueys venc l?onzen iorn de sus,  
vist soptans e clars e clus  
als sieus dins una maizo.

VIII.

Per aver melhor razo  
ab bona entencio  
lur laisset ses ocaizo  
don quascus discipulus  
fos forz e fermis sos estrus,  
com Dieus dessendenz say jus  
lur det benedictio.

IX.

Aquelh crey ieu per cuy so,  
que per nos pres passio  
e perdonet al lairo  
e qu?es trinitatz et us,  
selh que la maire Ihesus  
cossellet en la crotz sus  
e qu?es a venir el tro,

X.

pus lo segle er cofus,  
per iutjar los blancs e·ls brus;  
aquelh prec ieu que m?escus  
e mon cor e m?arma·l do.

- letto 596 volte

## Tradizione Manoscritta

- letto 750 volte

## CANZONIERE C

- letto 576 volte

## Riproduzione Fotografica

Vai al manoscritto [1]



- letto 432 volte

## CANZONIERE R

- letto 545 volte

# Riproduzione Fotografica

Vai al manoscritto [2]

Image not found

<https://letteraturaeuropea.let.uniroma1.it/?q=sites/default/files/styles/661/public/Canzoniere%20R%205v.jpeg&itok=7bxxyRKp>



- letto 717 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/lauzatz-si%E2%80%99-emmanuel>

**Links:**

- [1] <https://gallica.bnf.fr/ark:/12148/btv1b8419246t/f429.image>
- [2] <https://gallica.bnf.fr/ark:/12148/btv1b60004306/f24.image>